

CIBC FirstCaribbean hunto cu Medicosmetics cu donacion na Fundacion pa Hende Muhe den Dificultad



ORANJESTAD (AAN): E miembronan di e Fundacion pa Hende Muhe den Dificultad a ricibi recientemente productonan di cuidu personal na honor di Dia Internacional di Hende Muhe cu a worde celebra mundialmente riba 8 di maart 2017.

CIBC FirstCaribbean a uni cu Medicosmetics Aruba

N.V. pa asina por a haci e donacion special aki unda cu e Fundacion pa Hende Muhe den Dificultad a ricibi baskets cu productonan pa uzo y cuidu personal.

Como parti di e celebracion di Dia Internacional di Hende Muhe, CIBC FirstCaribbean a sinti e necesidad pa haci un donacion na un instituto cu

ta ocupa na cuidu di hende muhe den nos comunidad. Jamie Bareño di CIBC FirstCaribbean a bisa cu no por a pensa riba un miho organizacion pa apoya cu esun di e Fundacion pa Hende Muhe den Dificultad.

Medicosmetis Aruba N.V. ta distribui productonan farmaceutico, medico, nutricional, productonan di beyesa, articulonnan di cuidu personal, articulonnan di salon di beyesa profesional y articulonnan pa baby di marcanan conoci manera Garnier, Maybelline, Seven Seas, Ensure y otronan.

“E hende muhenan cu bini boso organizacion pa pidi ayudo ta yega un poco perdi, den stress y den busca di un luga pa keda. Nos ta nobo den e comunidad di Aruba, y nos kier ta envolvi den



proyectonan cu por yuda esnan den necesidad. Door di duna e basketnan aki cu productonan di Medicosmetics Aruba N.V. na boso organizacion, nos ta spera di duna boso clientenan un poco di comodidad,” tabata e palabranan di e Country Manager di CIBC FirstCaribbean Señor Giovanni Atencio. Ademá el a gradici Señora Lyzaira Polak Sales & Marketing Manager di Medicosmetics Aruba N.V. pa uni su mes cu e banco den e gran gesto aki.

“Nos ta gradici y ta sinti honra cu boso organizacion a tuma nos fundacion den consideracion y nos por sigura cu e 10 basketnan aki lo tin un bon destinacion. Door di e donacion aki no solamente un hende muhe lo ta contento pero henter un famia. Mayoria di e hende muhenan cu bin cerca nos tin yiunan y un famia. Un famia ta un parti di nos comunidad, den e caso

palabranan di e coordinador di e fundacion Señora Magaly Maduro.

E Fundacion pa Hende Muhe den Dificultad ta traha pa asisti e victimanan di violencia domestico. Nan ta trata di conscientisa nos comunidad tocante violenica contra hende muhe y ta promove leynan nobo pa combati violencia domestico. Tambe nan tin un luga pa e hende muhenan cu ta worde maltrata por keda un tempo y asina sali pa dilanti riba na mes.

Riba e potret por mira Giovanni Atencio, Country Manager of CIBC FirstCaribbean International Bank Aruba, Magaly Maduro Coordinator “Fundacion pa Hende Muhe den Dificultad”, Maria Carasquilla social worker “Fundacion pa Hende Muhe den Dificultad”, Libia Frans-Hansen Branch Manager CIBC FirstCaribbean International Bank Aruba



aki 10 famia lo worde haci feliz. Si e mama ta contento y ta sinti e bon, e ta bay percura miho pa e resto di su famia y asina reparti e felicidad den su alredecoran,” tabata e

and Jamie Bareño Quality Compliance Coordinator/ Money Laundering Reporting Officer CIBC FirstCaribbean International Bank Aruba.